



ՀՈՎՀԱՆՆԵՍ ՄԱՆՈՒԿԻ ԲԱՐՍԵՂՅԱՆԻ ՄԱՀԸ



Սույն թվականի հունիսի 3-ին Երևանում վախճանվեց Մայր Աթոռի հարազատ գավակ և հայ եկեղեցու միության ու միասնականության ջերմ պաշտպան Հովհաննես Մանուկի Բարսեղյանը:

Հունիսի 8-ին, կիրակի օրը, Մայր տաճարում հանգուցյալի հիշատակին կատարվեց հոգեհանգիստ՝ Վեհափառ Հայրապետի բարձր նախագահության ներքո:

Հովհ. Բարսեղյանը ծնվել է 1897 թվականին Իգդիր քաղաքում: Դեռևս վաղ մանկության տարիներին զրկվել է հորից և ճաշակել որբության ու զրկանքի դառնությունը: Պատանեկան տարիներին հորեղբոր օգնությամբ մեկնել է Մոսկվա՝ այն ժամանակվա համար հազվագյուտ մի մասնագիտություն՝ մեքենագիտություն սովորելու: Ուսումնառության ընթացքում և գործում է Պարսկաստանում: Նա առաջիններից եղավ, որ ջերմորեն ողջունեց իր հայրենիքի ազատությունը ու անկախությունը և հարստությունն ընկրկեց վերածնված հայրենիքի և ժողովրդի պաշտպանության գործին:

Հանգուցյալը հայրենասիրական մեծ գործունեություն է ծավալում Պարսկաստանում.

1937 թվականին իր միջոցներով Հազվին քաղաքում կառուցում է մի եկեղեցի, որը մինչև այժմ էլ գործում է:

Նա երկար ժամանակ եղել է ՀՕԿ-ի Ահվազի մասնաճյուղի նախագահ և հսկայական գումարներ է հավաքել ու փոխանցել սայր հայրենիք: Հայրենական մեծ պատերազմի ժամանակ Հ. Բարսեղյանը ամբողջ հոգով նվիրվել է հայրենիքին օգնելու մեծ ու շնորհակալ գործին: Նա եղել է Պարսկաստանում կազմակերպված «Հովհաննես Բարսեղյան» տանկային շարասյան, «Պատերազմից տուժած որբ ու անապատում երեխաների օգնություն» և «Հայաստանի մանկատներին օգնող» ֆոնդերի ու կազմակերպությունների անդամ և պատասխանատու: զանազան: Բարսեղյանը եղել է նաև այն մասնախմբի անդամը, որը ոսկե սուր է նվիրել մարշալ Հովհաննես Բարսեղյանին:

Եվ, ի վերջո, հանգուցյալը եղել է հայրենագարծության հանձնախմբի ակտիվ մասնակիցներից մեկը և գլխավորել է Պարսկաստանից 1946 թ. հայրենիք վերադարձող առաջին և ամենամեծ քարավանը:

Հանգուցյալը իր հայրենասիրության և եկեղեցաշինության մեծ գործունեության համար արժանացել է լուսահոգի Ս. Տ. Գևորգ Զ կաթողիկոսի և Վազգեն Ա Հայոց Հայրապետի բարձր գնահատանքին՝ սրբատառ կոնդակների և ս. Գրիգոր Լուսավորչի Ա կարգի ականակոտ շքանշանի: Նա արժանացել է նաև պետական պարգևի՝ «Աշխատանքային արիության» մեդալի՝ իր հայրենասիրական և հասարակական անձնուրաց աշխատանքների համար:

Հ. Բարսեղյանը եղել է Մայր Աթոռ ու Էջմիածնի հավատարիմ գավակ և մինչև իր կյանքի վերջը աշխատել է բարձր պահել հայ եկեղեցու դարավոր կենտրոն ու Էջմիածնի և Ամենայն Հայոց Հայրապետության առաքելատուր եղիմակությունն ու հմայքը:

Թող միշտ՝ օրհնված լինի նրա հիշատակը: Հանգիստ իր ոսկորներին: